

**KA JINGPYNKYLLA KHASI IA KA REPORT JONG KA EXPERT GROUP KABA LA SHNA HAPOH KA SECTION 7(1) JONG KA RIGHT TO FAIR COMPENSATION AND TRANSPARENCY IN LAND ACQUISITION, REHABILITATION AND RESETTLEMENT ACT, 2013 HA KABA IADEI BAD KA JINGTHMU SHIM JAKA KA SORKAR BAN BUH IA KA FACILITATION CENTRE – ENTRY AND EXIT POINT HA KA SHNONG ATHIABARI, WEST KHASI HILLS DISTRICT.**

Ka Expert Group ba la pynlong halor ka sub section (1) jong ka Section 7 jong ka Right to Fair Compensation and Transparency in Land Acquisition, Rehabilitation and Resettlement Act, 2013 ka kynthup ia kine ki dkhot kiba la thung da u Deputy Commissioner, West Khasi Hills District, Nongstoin lyngba ka Order No. NDR/Bldg.7/2014/70 dated 9<sup>th</sup> June 2017 ban pynshongnia ia ka Social Impact Assessment Report bad ka Social Impact Management Plan kaba la submit da ka Meghalaya Institute of Governance (MIG) ha kaba iadei bad ka jingthmu shim jaka ka sorkar ban buh ia ka Facilitation Centre – Entry and Exit Point ha ka shnong Athiabari.

- (i) Extra Assistant Commissioner (Revenue) West Khasi Hills District, Nongstoin kum u Rehabilitation expert bad kum u Chairman jong ka Expert Group.
- (ii) Extra Assistant Comissioner, I/c Mawshynrut Administrative Unit-Rehabilitation Expert.
- (iii) Superintendent of Police, West Khasi Hills District –Technical Expert on the subject matter.
- (iv) Shri. Rishan Sunn, Asst. Professor, Nongstoin College – Social Scientist.
- (v) Fr. James Syiemlieh, Director Nongstoin Social Service Society.
- (vi) Shri. Nastar Kharlyngdoh, Headman & VEC member Athiabari village –Local representative.
- (vii) Smti. Jemethy M marak, VEC member Athiabari village – Local representative.

La pynlong ia ka meeting jong ka Expert Group ha ka 19<sup>th</sup> June 2017 ha ka por 12:00 mynsngi ha ka Kamra Ophis jong u Chairman bad la don lut baroh ki dkhot. Ia ka Social Impact Assessment Report bad ka Social Impact Management Plan kaba la submit da ka Meghalaya Institute of Governance (MIG) la pynpoi sha baroh ki dkhot da U Deputy Commissioner, West Khasi Hills District Nongstoin 10 sngi shwa ban long meeting da ka shithi Memo No. NDR/Bldg.7/2014/70 dated 9<sup>th</sup> June 2017.

Ki mat ba la sot na ka SIA Report ki long kumne harum:-

Ka MIG ka la leh ia ka Social Impact Assessment (SIA) Study na ka bynta ka jingthmu shim jaka jong ka sorkar kaba ka jingheh ka long kumba 7.09 acres ban shna ia ka Facilitation Centre –Entry and Exit Point ha ha ka shnong Athiabari, da kaba pyndonkam ia ka jingpeitbniah bad ka jingiakren

markhmat bad ki nongshongshnong, da kaba lum jingtip na ki bor badei khmih; ka jing buddien ia ki jingthoh jingtar bad ki ain kiba iadei; da kaba leit jurip bad da kaba iakren markhmat bad ki briew bapher bapher kumjuh ruh da ka jingialang paidbah(public hearing). Ki tiar ba la pyndonkam ki long ka screening checklist, ki interbiw, ki jingkylli bad ki jingiakynduh. Ka jingialang paidbah ha ka shnong la pynlong ha Athiabari ha ka 22.3.2017.

Ia ki jingshem kiba kongsan jong ka MIG na kaba leh ia ka Social Impact Assessment study ryngkat bad ka Social Impact Assessment Plan la ai hangne harum:-

**(A) Social Impact Assessment Report:-**

- (i) Ka thymmei jong ka Facilitation Centre – Entry and Exit Point ka la kyrsoi na ka jingdawa jong ki sengbhalang ban pyntreikam ia ka Inner Line Permit ban peitngor ia ka jingwanrung kyrthep nabar jong ka jylla. Ia ka Facilitation Centre – Entry and Exit Point la tyrwa ban buh ha baroh ki jaka ba kham kynrei eh (sensitive) ban phikir ia ka jingrung kulmar jong ki briew shapoh ka jylla, ban peit ia ka jingia khaii beain ia ki mar ki mata, ki kamsniew, bad kiwei de. Ka Facilitation Centre – Entry and Exit Point kaba la tyrwa da ka sorkar jylla jong ka Meghalaya ka kham thmu eh ban iada ia kum kine ki jingrung beain, hynrei ban da ithuh ia ka jingrung ki briew bad kumjuh ki mar khaii hapoh ka jylla.
- (ii) Ka khyndew kaba la ithuh ban buh ia ka Facilitation Centre ha West Khasi Hills District ka don ha ka shnong Athiabari kaba don kumba 82 Km na Nongstoin; la longtraia ia ka da ka Khasi Hills Autonomous District Council (KHADC) bad ia ka jingmynjur la ioh na KHADC na ka bynta katei ka jingthmu.
- (iii) Ia kane ka jaka la pyndonkam mynshwa ban thung dieng tik (teak) bad mynta la kumba 6-7 snem ka la sah shrah khlem rep khlem riang. Ym shym la pyndonkam ia kane ka jaka da ki nongshongshnong. Haba jurip, ka jaka ka la kylla bniap bad ym don kano kano ka jingpyndonkam la ha ka rep ka riang, ka jingri jingri, ka jingtei, bad kiwei de ha katei ka jaka.
- (iv) Ka area kaba la tyrwa ban shim la long kumba 28728.88 sq metres (7.0991 acres) bad kam don kano kano ka jingtreikam ha katei ka jaka.
- (v) Haba ia phylliew jingmut, bad ki briew na ka shnong, la sngewthuh ba ka jingshahktah kan nym don satia namar kane ka jaka ka jngai kumba 1 Km na ka jaka ba shong briew. Ki briew ki sngew ba ka jingwanrah ia kane ka project ha ka shnong kan wanrah ia ka roi ka par bad kan long ruh ka lad aikam ai jam ha ka jingpyntrei ia ka. La katta ruh, don ka jingpyrshang ban kylli ba ha ka por ba dang sdang ka jingtrei, ia ka khyndew ba la tih hangno yn theh, ioh kan don ka jingtwa sha ki jaka ba markhap. Hynrei ha ka jingiasyllok bad ki bor shnong la sngewthuh ba lah ban theh ia ka khyndew harud ka wah Tyrsung bad iada na ka jingtwa khyndew shuh shuh jong katei ka rudwah.

## **(B) SOCIAL IMPACT MANAGEMENT PLAN**

Ka khyndew kaba la thmu ban shim ban buh ia ka Facilitation Centre – Entry and Exit Point ka don ha Athiabari, West Khasi Hills District bad ka jingheh jong ka ka don kumba 28728.88 Sq.metres( kumba 7.0991 acres). La dei trai ia ka da ka Khasi Hills Autonomous District Council. La ai ruh ia ka jingmyanjur (consent) na ka KHADC ha ka Revenue Branch D.C's Office, Nongstoin, ban sdang ia ka jingshim khyndew(land acquisition)

Na ka jingiasyllok bad ki traishnong, baroh ki la pdiang ia kane ka Facilitation Centre – Entry and Exit Point ha Athiabari bad ki la pynpaw ruh ba kan nym don kano kano ka jingshahktah (negative impact) ia ka imlang sahang. Hoooid, katto katne ki la pynpaw ba ia katei ka Facilitation Centre la dei ban buh hajan ka Aradonga Check Post kaba long marjan bad u pud ka Meghalaya-Assam, katba ia ki jaka sah jong ki nongtrei pat ha katei ka jaka ba la thmu ban shim.

Hynrei, hadien jong ka jingialang paidbah (public hearing) ki nongshongshnong ki la pynskhem ia ka jingshna ia katei ka Facilitation Centre – Entry and Exit Point ha kane ka jaka ba la thmu ban shim. La ai jingmut ruh ba ia ka anti-filtration post kaba la don lypa ha ka shnong Aradonga dei ban nang pynbha shuh shuh wat hadien ba la shna ia katei ka Facilitation Centre – Entry and Exit Point ha Athiabari.

Kine harum ki long katto katne ki mat kiba donkam ban pynurlong:-

### **Project Phase:**

- i. Kane ka projek kadei ban bud ryntih ia ki ain, ki rul, ki kyndon, jingpynbna paidbah, ki rai ka sorkar, bad kiwei de na ka bynta ka jingpyndonkam ia ka khyndew ban tei ia ka projek.
- ii. Dei ban shna ia ki iingsah ba shipor hapoh ka jaka na ka bynta ki nongtrei, bad pynbiang ia ki ka umbam umdih bad ka jingkhuid jingsuba.
- iii. Ban kiar na kaba tih ne theh khyndew ha ki jaka shimet ban iada na kino kino ki jingjia bym sngewtynnad ne ki jingiakajia hadien habud.
- iv. Ka khyndew kaba tih na ka jaka ban shna ia ka projek la dei ban pynlang khnang ban pyndonkam ban pynwandur itynnad hadien, la ai jingmut ruh ba ia ka khyndew lah ban theh ha ki katto katne ki jaka ba i dei ha ki rud jong ka wah Tyrsung .
- v. Dei ban thaw ki lad jingiada na ka jingtwa khyndew khamtam ha ki jaka ba long sharing (slope).
- vi. Dei ban thaw lad ban iada na ka jingdheng kali hajan ka tei ka jaka, namar ka surok PWD ka long kaba rit, ym dei ban pyndonkam ia ki jaka paidbah.
- vii. La dei ban ioh lypa ia ka jingai jingbit (permission) na ki bor ba dei khmih ia ka jingsam um ha katei ka jaka ha ka por ba dang trei ne haduh ban da pyniaid ia katei ka projek.

- viii. Ym dei ban pyndonkam ia ka um napoh khyndew (underground water).
- ix. Dei ban buh ha khmat ia ki nongshong shnong ha kaba aikam ai jam ha ka por ba shna ne wat haba la pyntreikam ia ka projek da kaba sngewthuh jingmut bad ki bor shnong bor thaw.
- x. Ka dei ban don ka jingpynthikna (approval) na ki bor ba dei khmih na ka bynta ka jingshngain ka jingtei ha ki por ba jia ki jingpynjulor ka mariang kum u jumai.
- xi. Ka dei ban don ka jingleh tikna bad ka jingpeitngor man ka por katba nang ia id ka jingtrei ban iada na ki jingwit jingwoh ha ki jaka ba marjan.

Ka SIA study ka pynkut bad a kaba pynshongnongrim ha ka jingleit jngoh ia ka jaka, na ka jingbishar bniah, ka jingiasyllok ba nyingkong, ka jingiasyllok ba ar bad na ka jingialang paidbah; kan nym da don eh kano kano ka jingktah ia ki nongshong shnong kane ka dong ka thain, bad baroh ki pdiang sngewbha ia kane ka jingtyrwa ban buh ia ka Facilitation Centre – Entry and Exit Point ha ka shnong Athiabari.

#### **Ka jingai jingmut jong ka Expert Group:-**

Ka Expert group ha kaba pynshongnia halor kitei ki jingshem jong ka Meghalaya Institute of Governance ha ka Social Impact Assessment Report bad ka Social Impact Management Plan (SIMP) bad hadien ka jingleit peit ia ka jaka ha ka 29<sup>th</sup> June 2017, ka la rai ban ai ia kine ki jingaijingmut hadien ka jingiatai kaba bniah:-

1. Ka Social Impact Assessment Report bad ka Social Impact Management Plan hab pynshongnia bha ia ki, la lap ba ki long kiba shisha bad kiba iadei bad ki jingthmu kat kumba la kdew ha ka Right to Fair Compensation and Transparency in land Acquisition Rehabilitation and Resettlement Act, 2013.
2. Ka Expert Group ka don da kawei ka jingsngew ba ka khyndew kaba la thmu ban shim kaba ka area jong ka long kumba 7.09 acres ban shna ia ka Facilitation Centre –Entry and Exit Point ha ka shnong Athiabari kan long kaba myntoi bha ym tang ia ka dong ka thain hynrei ia ka sorkar ha kaba kan don ka jingphikir ia ka jingwanrung kyrthep hapoh ka jylla bad ka jingkhaii beain ki mar ki mata bad ban khang ia ki kam sniew, bad kiwei de.
3. Ka Expert Group ka don ruh ia ka jingsngew ba ka Facilitation Centre – Entry and Exit point kaba la tyrwa da ka sorkar jylla jong ka jylla Meghalaya kan iarap ban khang ia ka jingrung beain sha ka jylla da kaba peit bniah ia ka jingrung ki briew, ki mar ki mata, bad ki kali hapoh ka jylla; kiba long kiba donkam na ka bynta ka jingroi ia ka ioh ka kot bad ka imlang sahlang jong ka jylla.

4. Namarba ka khyndew ka don pajih na ka jaka shong ki briew, bad bym don kano kano ka jingtei; ka jingshim jaka kan nym wanrah ia ka jingkyndeah jaka jong ki nongshongshnong mynta lane hadien habud.
5. Ka jingshimjaka kan nym ktah ia ki trai khyndew ne ia ki nongshongshnong namar ym don ba pyndonkam ia katei ka jaka ba la dei trai da ka KHADC.
6. Ka jingshim jaka na ka bynta ban buh ia ka Facilitation Centre – Entry and Exit point kan plie ia ka lad iohkam iohjam ia ki nongshongshnong kum ki nongbylla (labour) ha ka por ba pyntrei ia ka projek. Nalor kata la khmih lynti ba kin don ruh kiwei ki lad iohkam ki ban mih lashai lawei ban iarap shuh shuh ia ka rukom im jong ki briew.
7. Watla katta ruh, ka Expert Group hadien ka jingleit jurip ia ka jaka ha ka 29<sup>th</sup> June 2017 ryngkat bad ki nongtrei jong ka KHADC, SP(Infiltration), Shillong bad U.E.E, PWD (Roads) ki la sngewdei ba ka jaka ba la thmu ban shim kaba 7.09 acres kaba don ha ka liang ka mon (Entry Point) jong ka surok PWD Riangdo-Athiabari, ka sorkar ka lah ban shim ruh katto katne ka jaka sha ka liang ka diang jong ka surok da namar ba kane ka ka surok PWD Riangdo-Athiabari yn pynheh 2-Lane ia ka, bad da kaba peit lypa ba ioh kan wanrah jingeh ha ka rukom pyniaid kali. Kumba ka long ia mynta, ka dang don ka jaka ha ka liang ka diang (Exit point) kaba don pyrshah ia ka jaka ba la thmu ban shim (7.09 acres) kaba dei trai da ka KHADC bad kaba ym shym la pyndonkam ei ei. Kane ka long kum ka jingpynkynmaw ia ka Report jong ka Committee ban iit ia ka jaka ban bun ia ka Facilitation Centre – Entry and Exit point ba la seng da ka sorkar Meghalaya lyngba ka Notification No. POL.161/2012/PtII/91 dated 30.7.2014 ha kaba la kdew ba ka jaka ba donkam na ka bynta ka Entry bad Exit Point kand long 5 acre bad 2 acre.
8. Kumba la kdew ha ka SIA Report bad ki dkhot jong ka Expert Group na ka shnong, ki briew na katei ka jaka ki pdiang sngewbha ia katei ka jaka ba la thmu ban shim ban buh ia ka Facilitation Centre bad kam don kano kano ka jingpyrshah ha kaba leh ia katei ka study da ka MIG bad haduh mynta ruh.
9. Ka Expert Group ka sngewdei ba katei ka projek kan shakri ia ki paidbah bad kan long ruh ka jingmyntoi ia ka imlang sahleng ha ka jylla hadien habud.

La pynwai ia ka meeting da ka jingaihubblei da u Chairman

Sd/-  
(Shri. S. Warjri, MCS)  
Chairman  
Expert Group

Sd/-  
(Shri. R. Brahma, MCS)  
Extra Assistant Commissioner, Mawshynrut  
Administrative Unit, Rehabilitation Expert.

Sd/-  
Superintendent of Police  
West Khasi Hills Division  
Technical Expert

Sd/-  
(Shri. Rishan Sunn)  
Assistant Professor, Nongstoin College  
Social Scientist.

Sd/-  
(Shri. Nastar Kharlyngdoh)  
Headman & VEC member  
Athiabari village  
Local representative

Sd/-  
(Fr. James Syiemlieh)  
Director  
Nongstoin Social Service

Sd/-  
(Smti. Jemethy M. Marak)  
VEC Member Athiabari village  
Local representative

Memo No.NDR/Bldg.7/2014/83 –A

Dated Nongstoin, the 13<sup>th</sup> July 2017

Copy to:-

1. The Secretary to the Executive Committee, Khasi Hills Autonomous District Council, Shillong; for information.
2. The Joint Secretary to the Govt of Meghalaya, Revenue and Disaster Management Department, Shillong; for information
3. The Block Development Officer, Mawshynrut C& RD Block, Mawshynrut for information and to put in the office Notice board.
4. Sirdar of Jyrngam Sirdarship, for information.
5. Headman of Athiabari village for wide information of the Public.
6. The District Informatic Officer, Nongstoin alongwith soft copy of the translated report of theExpert Group with a request to upload in the Office website.

(Arunkumar Kembhavi)  
Deputy Commissioner  
West Khasi Hills District,  
Nongstoin